

سلسلة أغاني

ناصر شلبي

(٢)

على ضيئك يا قمر



بطاقة الكتاب

عنوان المؤلف : على ضيك يا قمر
المؤلف : الشاعر/ ناصر شلبي
التصنيف : أشعار (أغاني)
رقم الإيداع : ٢٠١٨ - ٤٣١٩
عدد الصفحات : ١٠٠ صفحة
رقم الإصدار الداخلي : ١٣٥
تاريخ الإصدار الداخلي : يناير / ٢٠١٨ الطبعة الأولى

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب
الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 13242
بطاقة ضريبية : 165-5-00031-572-01-35
رقم التسجيل : 2017-7 544-662-202
E-mail: alnile waalforat@yahoo.com
twitter: النيل والفرات
youtube: alnile waalforat@yahoo.com
facebook: alnile wa alforat
هاتف : 01011256943 - 01116202218 - 01202541192



الشرقية - العاشر من رمضان - مجاورة ١٣ - عقار ٣٠٤ - الدور الثاني - أمام سنتر ١٣

على ضيـك يا قمر

أغاني

للشاعر

ناصر شـلبي



الإهداء

إلي روح أبي

ومن أحب

أمي

إخوتي

زوجتي

ولديّ (عبد الرحمن و محمد)

أساتذتي

أصدقائي المخلصين

عشاق ومُحبي زمن الفن الجميل

محاسب / ناصر شلبي



(١) يا رايح المدينة

يا رايح المدينة	بمركب أو سفيننة
سلم لي علي طه	وقول له يشفع لينا
قول له إن أنا عطشان	ياريته يسقينا
ويدعي الرحمن	علشان يهدينا

يا رايح المدينة	بمركب أو سفيننة
سلم لي علي طه	وقول له يشفع لينا
سلامي لأبو بكر وعمر	سلامي لعثمان
وتحية لسيدنا علي	بوابة البيان
وسلامي لابن عوف	سيدي عبد الرحمن
سلامي لكل الصحابة	والآل والخـلان

يا رايح المدينة	بمركب أو سفيننة
سلم لي علي طه	وقول له يشفع لينا
قلبي ليكوا ميال يا طه	بس ما عنديش مال
بيني وبينكوا بحور يا طه	وبيني وبينكوا جبال
نفسى أزوركوا يا سيدنا	عشان يروق البال
يمكن ينصلح الحال	وينعدل اللي مال



يا راياح المدينة بمركب أو سفيننة
سلم لي علي طه وقول له يشفع لينا
القوم مش عليه يا طه اللوم ع الحدود
اللي عملوا حواجز ليه واللي بنوا الحدود
نفسى أفك قيودي يا طه وأهدم السدود
واتملي بنور نبينا أبو العيون السود

يا راياح المدينة بمركب أو سفيننة
سلم لي علي طه وقول له يشفع لينا
أمانة إقرا لي الفاتحة أدام الضريح
وبلغه سلامي عشان قلبي يستريح
وشم المسك والعنبر اللي من قبره بيفوح
وقول له إنه عندي أغلي م المال والروح

يا راياح المدينة بمركب أو سفيننة
سلم لي علي طه وقول له يشفع لينا



(٢) مستحيل

الأغاني والمواويل	مستحيل أصدق ثاني
قلبي لقلبك يوم يميل	مستحيل من غير دليل
هزار مُش بجـد	الحب من طرف واحد
ميت جـدار وألف سد	بقيـم بين القـلبين
والثاني ما بيتعد	بيكـوي قلب منهم
يقول ما اعرفشي حد	تقول له جرحـت قلبي
الأغاني والمواويل	مستحيل أصدق ثاني
قلبي لقلبك يوم يميل	مستحيل من غير دليل
ضـاع وأنا بفكر فيه	يا اللي عمري كله
عنيـه ولا سهـرت عنيـه	يا اللي النوم خاصـم
ول وقلبك خالي ليه	قلبي دايمـا مشغـل
وم عليـا والـا عليه	عـاوز أعرف اللـ

الأغاني والمواويل	مستحيل أصدق ثاني
قلبي لقلبك يوم يميل	مستحيل من غير دليل
حبك يا ناكـر الجميل	فـين الدليـل علي

أغـاني ومواويل	الحب مـش بس
وقلـبك وراني الويل	يا اللي قلبي حبك
من غير أمارـة أو دليل	أنا عمري ما احب ثاني
الأغاني والمواويل	مستحيل أصدق ثاني
قلبي لقلبك يوم يميل	مستحيل من غير دليل

(٣) اللي يداديك

اللي يداديك دادييه وبــــوس إيديه
واللي يعاديك عادييه ودوس عليــــه

اللي يحببــــك حبه واعطف عليه

وقبــــل ما يمد إيدّه طلّع وإديه

وإن جار عليه الزمن بروحك إفييه

عمره ماينسي الجميل ويبطمر فيه

اللي يداديك دادييه وبــــوس إيديه
واللي يعاديك عادييه ودوس عليــــه

اللي يعاديك لو نادي إياك ترد عليه

مهما تطلّع له وتدي له ما يبطمر فيه

زي اللي بيحدف بالحجر والنخل بيديه

عمّال يجرحه ويدميه ولا طمرشي فيه

اللي يداديك دادييه وبــــوس إيديه
واللي يعاديك عادييه ودوس عليــــه

يا اللي عمركوا ما حفظتم لنا الجميل

يا اللي ما بتشيلوا معانا لما الزمن يميل

إياك تقول لقليل الأصل يوم يا سيد

قول له خلاص إنتهي زمن العبيد

عديم الخال فرع ومال لازم ينشال

يمكن يطلّع فرع بداله كويس وعال

اللي يداديك دادييه وبــــوس إيديه
واللي يعاديك عادييه ودوس عليــــه



(٤) شيخ البلد

شيخ البلد خلف نونو

نونو صغير شكله يحير

شيخ البلد

شيخ البلد

شيخ البلد أبو النونو الله في عونہ

شاف النونو شكله بونو جن جنونه

عليه جوز عيون حادفين شمال الله يصونه

وحواجه زي الغمازات تقولشي إخوات حارسة عيونہ

وأربع شعرات مفيش غيرهم نازلين علي جبينه

شيخ البلد ها ييجي له جنان الله يعينه

شيخ البلد خلف نونو

نونو صغير شكله يحير

شيخ البلد

شيخ البلد

شيخ البلد سماه زعبله علشان يعيش

وقال لمراته اللي يبوسه يدفع بقشيش

عمال يقطع فيه ويقول نفد م الجيش

يا خسارة كان نفسي يكبر ويبقي شويش

ويقف برنجي وكنجي وشنجي في العريش

واللي يقول عاوز تصريح يقول له مفيش

شيخ البلد خلف نونو
نونو صغير شكله يحير
شيخ البلد
شيخ البلد

شيخ البلد جاب للنونو طبله وزماره
عمال يخبط ويزمر ويحنس عيال الحارة
القرد في عين أبوه غزال جاتوا غاره
سايب له شرق البلد أربع فدادين ودار ودواره
شيخ البلد خلف نونو
نونو صغير شكله يحير
شيخ البلد
شيخ البلد



(٥) يا مرايتي

دي صورة حد ثاني واللا صورتي	يا مرايتي أيه حكايتي
أتاري الزمن بيعيب	بعد الصبا جه الشيب
بقي يودي ويجيب	والعقل تاه مني
وما كانشي يقدر يعيب	واللي ياما إتعايت عليه
ومش قادر أقول له سيب	النهارد ماسك فيه
دي صورة حد ثاني واللا صورتي	يا مرايتي أيه حكايتي
أتاري يا ناس الزمن قاسي	فيه شعر ابيض علي راسي
وعدي بسرعة وأنا ناسي	والعمر ببسابق الزمن
كإني علي ضهري شاييل	عودي ماله كدا ماييل
بترتعث وأنا مش خايف	وأديّه مالها مش عارف
دي صورة حد ثاني واللا صورتي	يا مرايتي أيه حكايتي

سوق يكون فيه الصبا ينباع	من بدري ها ادور علي
واشتري عمري اللي ضاع	يمكن أعرف أبيع الشيب
إوعي حد يلوم ويعيب	يا ناس دا مش أمر عجيب
أقدر أقول له سيب	عشان اللي يمسك فيه
دي صورة حد ثاني واللا صورتي	يا مرايتي أيه حكايتي

(٦) الوقت

الوقت بيـجري تقـول مجري مستعجل ليه لسه بدري
ما بقيتشي فاكـر تاريخ ميلادي ولا النهارده كام هجري
الوقت ليه عمـال يجري أتاريه واخذني لقـدري
يا ناس قـولوا له لسه بدري بتكلم عربي مش عبري

الوقت بيـجري تقـول مجري مستعجل ليه لسه بدري
ما بقيتشي فاكـر تاريخ ميلادي ولا النهارده كام هجري
العمر خلاص أهـو عدي قولوا للوقت بقي يهدي
واللا إحنا راكـبين مرجـحه طالعة ونازله ولا بتهدي
يا ناس حـرام انا مش قادر أتاري الوقت قوي وفاجر
دا كل يـوم بيبـحتر فينا اللي يموت واللي يهاجر

الوقت بيـجري تقـول مجري مستعجل ليه لسه بدري
ما بقيتشي فاكـر تاريخ ميلادي ولا النهارده كام هجري
الشمس بتطلع وأوام تغيب والوقت برضه عمـال يعيب
دخلت أنا وهـو في صـراع عمـال يقول لي سيب وأنا أسيب
العمر عـدي في ثواني واللي راح ما بيـرجع تاني
دموعي علي خـدي نازلين فاضل لي ساعات واللا ثواني

الوقت بيـجري تقـول مجري مستعجل ليه لسه بدري
ما بقيتشي فاكـر تاريخ ميلادي ولا النهارده كام هجري



(٧) الدنيا فانيه

أتاري الدنيا فانيه	وبتتغير في ثانية
بتدي اللي ما يسواشي	وتركب الماشي
قبل ما بتدي بتاخذ	وتذل الجبين والخذ
دا مش كلام من عندي	يا ناس كلامي جد
دنيا غروره ما تسواشي	عمرها ما نصفت حد
لو النهارده بتضحك لك	نادي لها بكره مش ها ترد
أتاري الدنيا فانيه	وبتتغير في ثانية
بتدي اللي ما يسواشي	وتركب الماشي
الصباح بتداديك	والضهر بتعاديك
والعصر تلعب معاك	وبالليل تلعب بيبك
إوعى تقرب منها	لا أخطر الدنيا توديك
وتوريك الوش التـ	لاني والمر تسقيك

أتاري الدنيا فانيه	وبتتغير في ثانية
بتدي اللي ما يسواشي	وتركب الماشي
اللي راكب بكره ها ينزل	وتحذفه في أقرب منزل
واللي يامن لها بتخونه	وتوريه الويل والذل
أوقات تكلّمك	وساعات تألمك
وحالها عمره ما بيدوم	بتغرق اللي يعوم
أتاري الدنيا فانيه	وبتتغير في ثانية
بتدي اللي ما يسواشي	وتركب الماشي

(٨) يا دنيا

يا دنيا ليه تجرحينا	ومن المر بتسقيننا
حالك عمره ما بيدوم	وعمّاله تلعبني بينا
بين شطين رايحين جاينين	ومش عاوزه ترسينا
وحدفتينا لأبعد ميننا	هو إحنا حاجة مُشينه
وقبل ما تطيب جروحنا	بالأحزان تكويننا
يا تري العيب فيكي	يا دنيا واللا العيب فينا
يا دنيا ليه تجرحينا	ومن المر بتسقيننا
حالك عمره ما بيدوم	وعمّاله تلعبني بينا
يا دنيا ممالك بيّه	هو أنا حمال الأسيه
مش عاوز ألعب معاكي	وبرضه بتلعبني بيّه
ياريت تخففي شويه	كدا كتسير أوي عليه
هو مفيش حد غيري	عندك ألف وميله
يا دنيا ليه تجرحينا	ومن المر بتسقيننا
حالك عمره ما بيدوم	وعمّاله تلعبني بينا
همومي أد الجبال	وما عنديش صبر الجمال
يا ناس حيلي مهدود	وانحني زهري اللي شال
روح لآلف وميت طبيب	وجروحي مش عايزه تطيب
وشعري عمّال يشيب	وبرضه الدنيا بتعيب
يا دنيا الرحمة حلوة	قولي لي سيب وأنا أسيب
يا دنيا ليه تجرحينا	ومن المر بتسقيننا
حالك عمره ما بيدوم	وعمّاله تلعبني بينا



(٩) يا اللّٰه نقول ونعيد

يا اللّٰه نقول ونعيد	كلام جديد ومفيد
كلام يتوزن بالذهب	مش بالحديد
اللي يتقل عليك	إيّاك تبوس إيديه
وقبل ما يجرح	قلبك سهّر عنيه
واللي ينسأك إنساه	ولا تسألشي فيه
وقبل ما يجيب اللوم	عليك هاتوه عليه
زي الورد اللي بنشمه	لو جرحنا الشوك اللي فيه
يبقي اللوم عا الورد	يا ناس واللّٰه اللوم عليه
يا اللّٰه نقول ونعيد	كلام جديد ومفيد
كلام يتوزن بالذهب	مش بالحديد
يا اللّٰه عمّال	تهبّ دم ولا بتبنيش
أرجووك سيّبي	ففي حالي خليني أعيش
يا اللّٰه خلّيت	الغالي ما يساويش
ليه دايمًا تبخل	عليه وتقول مفيش
يا ناكّر الملح	وخاين العيش
الحب من طرف واحد	عمره ما بيعيش
يا اللّٰه نقول ونعيد	كلام جديد ومفيد
كلام يتوزن بالذهب	مش بالحديد
هو انت قلبك حمر	واللا قلبك حديد
ليه شايّفني عمّال	أبكي وإنّك سعيد
قولوا له يا ناس	إنّته في زمن العبيد
اللي عمّال يجرح	فيه حتّى يوم العيد
يا اللّٰه نقول ونعيد	كلام جديد ومفيد
كلام يتوزن بالذهب	مش بالحديد

(١٠) إتقل عليه

الموال يا حلو يا اللي البدر بيغير من جمالك

بقي لي يومين مستني يا عم هل هلاك

عمّال تسوق التقل عليه أنا مالي ومالك

تركت أهلي وناسي وجيت هنا أبالك

الناس قالوا لي أسوق عليك عمك واسوق خالك

وبرضه إنت عمّال تسوق في دلالك

يا أبو العيون الكحيلة وحشتني رنة خلخالك

كل الحلوين إتهنوا يا عم عقبالك

الأغنية

إتقل عليه كمان وكمان ما خلاص إتعودت عا الحرمان

يا اللي عمّال تجرح فيه حبك في قلبي بقي إدمان

باللي مشغول بخالي البال وعقلي تاه وجالي جنان

واللا عشان ما حدش زيّك أمـور أوي ولا غصن البان

إتقل عليه كمان وكمان ما خلاص إتعودت عا الحرمان

يا اللي عمّال تجرح فيه حبك في قلبي بقي إدمان

بقي لي يومين مستنيك وبدعي ربي عشان يهديك

يا اللي عمّال تجرح فيه وأنا عمّال أداويك

يا عم فـين أراضيك وإزاي بس أرضيك

لو تطلب روعي وعنيّه صدقني أوام أديك

إتقل عليه كمان وكمان ما خلاص إتعودت عا الحرمان

يا اللي عمّال تجرح فيه حبك في قلبي بقي إدمان قالوا التقل صنعه

يا ناس قولوا للي ما عندوش إحساس



ليه إيديه عمّاله تنباس
والله قلبي دا زي الماس
لو لفيت الدنيا بحالها
إتقل عليه كمان وكمان
يا اللي عمّال تجرح فيه
وكـلـ يوم قلبي بينداس
كله حنييه وإحساس
ما تلاقي زيّه في المقاس
ما خلاص إتعودت عا الحرمان
حبك في قلبي بقي إدمان

(١١) موال

عجبي عليك يا زمن الكل عاداني
أنا ياما إديت لهم ولما عوزت ما حد منهم إداني
صاحبت صاحب وياريتني ما صاحبتوش
قدمت له السبت يوم الحد مالقيتوش
أكل عيشي وملحي وقال دا ما عندوش
قدمت له الشهد المر سقاني
ناكر خيري سابني ولاف علي غيري
راح لعوازلي وعدايا وعشانهم عاداني
شهد معاهم عليه الزور وعاداني
تركني أعاني في مخنتي وعمره ما عاني
ربي الكريم تكالي عليه هو اللي ها يعيني
آه يا قليل الحظ والبخت آه يانا
إوعي تصاحب خسيس قليل الأصل والخال
عمره ما يشيل معاك الحمل لو الزمن مال
أنا عمري ما أقول لقليل الأصل يا عمي
لو انضرب بالسيف ويسيحوا دمي



(١٢) يا وابور يا اللي مسافر

ياوابور يا اللي مسافر	وراياح للحبيب
يا وابور يا اللي بتودي	يا وابور يا اللي بتجيب
أمانة خودني معاك	أدور ع اللي غاب
أنا باللي مشغول عليه	وقلبي انجرح وداب
ياوابور يا اللي مسافر	وراياح للحبيب
يا وابور يا اللي بتودي	يا وابور يا اللي بتجيب
يا وابور يا اللي بتشرق	يا وابور يا اللي بتغرب
يا وابور يا اللي بتبعد	يا وابور يا اللي بتقرب
خودني معاك للحبيب	يمكن قلبلي يطيب
يمكن يرجع لي تاني	ويبقى فيه نصيب
ياوابور يا اللي مسافر	وراياح للحبيب
يا وابور يا اللي بتودي	يا وابور يا اللي بتجيب

أمانة خودني بدري	قبل الشمس ما تقوم
ألفف عليه ويا القمر	واسأل عنه النجوم
سمعت طير في السما	بينادي وسط الغيوم
بيقول حبيبك هنا	قاعد حزين مهموم
ياوابور يا اللي مسافر	وراياح للحبيب
يا وابور يا اللي بتودي	يا وابور يا اللي بتجيب

(١٣) أبو قلب خالي

يا واد يا ابو قلب خالي	ليه تشغل لي بالي
واتسهـر عيـوني	واتغير لي حالي
يا واد يا خالي البال	ليه بتسوق الدلال
يا اللي عندي أغلي	م الذهب والمال
قلبي انشغل ببيك	دايماً بأفكر فيك
يا اللي نسيت الماضي	كل دا وقلبك فاضي
يا واد يا ابو قلب خالي	ليه تشغل لي بالي
واتسهـر عيـوني	واتغير لي حالي
عيوني ما بتشوف النوم	ودموعي علي خدي عوم
ومن كُتر الهموم	عليه الناس بتلوم
ياريت تطـل عليه	وتشوف اللي جري ليه

أنا كنت اخف واطيب	من غير ما اروح لطيب
يا واد يا ابو قلب خالي	ليه تشغل لي بالي
واتسهـر عيـوني	واتغير لي حالي
يا اللي بتنام وتشبع نوم	وانا سهران أناجي النجوم
يا اللي قلبك عُمره ما حب	ولا انجرحشي يوم
لو تحن عليه	الدنيا ها تضحك ليه
وساعتها أنسي آلامي	وتتحقق أحلامي
يا واد يا ابو قلب خالي	ليه تشغل لي بالي
واتسهـر عيـوني	واتغير لي حالي



(١٤) ملاح

متشكرين يا زمن مُتشكرين	مليت قلوبنا ألم وقسوة وأنين
آه يانا يا اللي مالي وطن	ومالي حبيب
ملاح في وسط البحور	أودي واجيب
والشط غاب عن عنيّه	وغاب الحبيب
وجار عليّه الزمن	ومالي نصيب

متشكرين يا زمن مُتشكرين	مليت قلوبنا ألم وقسوة وأنين
ملاح وماشي في البحور	من غير شرع
ماليش لا مرسي ولا مينا	والشط ضاع
حكم عليّه الزمان	أبقي غريب
العيب فيك يازمن	ولا فينا العيب

متشكرين يا زمن مُتشكرين	مليت قلوبنا ألم وقسوة وأنين
يا هل تري يا غريب	إمتي لبلدك تعود
واللاها تفضل كده	حاير بين الحدود
بكت عليك في البراري	الديابة والأسود
وناحت علي الشط	البنات البيض والسود
متشكرين يا زمن مُتشكرين	مليت قلوبنا ألم وقسوة وأنين

(١٥) آه يانا م اللي بحبه يانا

آه يانا م اللي بحبه يانا غايب بقي له يومين ولا جانا
آه يانا م اللي بحبه يانا
مُش عارف أنا فين أراضيه وان كان زعلان أنا ها اراضيه
قولوا لي فين بس ألاقيه الحليوة اللي غاب ولا جانا
آه يانا م اللي بحبه يانا غايب بقي له يومين ولا جانا
آه يانا م اللي بحبه يانا
عنيّه ما بتشوف النوم ودموعي علي خدي عوم
سألت القمر والنجوم ع ا الحليوة اللي غاب ولا جانا
آه يانا م اللي بحبه يانا غايب بقي له يومين ولا جانا
آه يانا م اللي بحبه يانا
من قسوة حبيبي عليه شاكيته للبوسطجية
قالوا لا مرسال ولا مكتوب م الحليوة اللي غاب ولا جانا
آه يانا م اللي بحبه يانا غايب بقي له يومين ولا جانا
آه يانا م اللي بحبه يانا

(١٦) جيش مصر

جيش مصر يا جيشنا يا أقوي جيش
نفديك بـولادنا وانت تعيش
الجندي اللي واقف علي الحدود
شايل سلاحه وعنا بيزود
ساكن في الجبل ويّا الأسود
وعارف إنه يمكن ما يعود
لجل بلدنا مصر أرض الجدود
تبقى قوية والأمن يعود
جيش مصر يا جيشنا يا أقوي جيش
نفديك بـولادنا وانت تعيش
اللي في الصاعقة واللي مشاة
يحميه ربك اللي نشاه
اللي مدرعات واللي مظلات
مُسلم ومسيحي في الجيش اخوات
يا اللي في الإشارة وع الحدود
يا اللي ع الجبهة زي الأسود
القوات الخاصة والبحرية
عزم شديد وقلوب قوية
جيش مصر يا جيشنا يا أقوي جيش
نفديك بـولادنا وانت تعيش
خدمات طبية ومدفعية
الله يحرسهم ويخليهم ليّه

ورجالة الشرطة العسكرية
واقفين في الشارع خائفين عليه
يا اللي ع الجبهة عا بتزود
يا اللي هناك واقفين زي الأسود
الإرهابي الحائر ع الحدود
عارف لو خطي إنه مفقود
جيش مصر يا جيشنا يا أقوي جيش
نفديك بـولادنا وانت تعيش



(١٧) مها

مها يا مها يا بنت ام مها
من يوم ما قلبي حبك وانا آخر منجها
لا سَحَر ولا منال أنا قلبي ليكي مال
آه ياشـاغلة البال ليه تسوقي الدلال
يا ريت تخني عليه وتخليني ع البال
مها يا مها يا بنت ام مها

من يوم ما قلبي حبك وانا آخر منجها
ساكنة يا ناس في خيالي ودايماً عليه تداري
عمرها ما حست بيه وخلصت ليلي نهاري
يا ست جسي بيه وارحمي دمع غنيه
دا الحب مُش بكيفي لا بايـدك ولا بايديه
مها يا مها يا بنت ام مها

من يوم ما قلبي حبك وانا آخر منجها
كل اللي في سنك غاروا منك عشان انتي الأبهة
يا اللي محدش زيك فـي جرجا ولا في قها
مها حبيبتـي يا ناس مين أدهـا
الله يخليها ليـه ويحـرسها ربها
مها يا مها يا بنت ام مها

من يوم ما قلبي حبك وانا آخر منجها

(١٨) الراجل العجوز

اجـروا يا ولاد اجروا	شـوفوا يا ولاد شـوفوا
شـوفوا الراجل العجوز	مُنْخـاره أد الكـوز
تعالوا يا ولاد تعالوا	شـوفوا الراجل دا ماله
يا اللا نضحك عليه	ونشده من رجليه
يا راجل يا عجوز	مُنْخـارك أد الكـوز
أنا الراجل العجوز	اللي بتعيبوا عليه
الخير دا كله منين	من عمل إيديه
أنا اللي زرعت الأرض	أنا اللي فحت الصخر
أنا اللي عليت كباري	ولهمومي كنت اداري
أنا ياما سهرت الليل	وياما شوفت الويل
أبني واعلي ليكوا	وازرع الأمل في عنيكوا
يا اخوانا عيب عليكوا	دا احنا مُش وحشين
فاضل في العمر أيه	يمكن يوم أو يومين
يا اخوانا عيب عليكم	إحنا عندكم ضيوف
تسخروا منا ليه	وتضربوا بالكففوف
يا اهل الشهامة والمروءة	فين كرم الضيوف
تسخروا منا لما نفوت	وتبكوا علينا لما نموت
خاتوا كل حاجة	ومنا بتسخروا
يا اخوانا عيب عليكوا	إمتا تتغيروا
جيوبي بقت فاضية	واتملت إيديكوا
يا اخوانا جسوا بيه	عيب أوي عليكوا
بكره يابني إما تكبر	ها تلاقي اللي يضحك عليك
ولا حد يقف يعينك	ولا حد ياخذ إيديك

الدهر يا ابني كده يوم عليه ويوم عليك
ساعاتها ها تفتكر اللي ياما سخرت منهم
وها تدور عليهم علشان تعتذر لهم
ويمكن ما تلاقيهم لو التراب لمهم
وياريت تقرا الفاتحة عند قبرهم

(١٩) الروتين

ممنون أوي ممنون	ومنكم ها صاب بجنون
يا بتـوع الروتين	يا اللي مُش فاهمين
الصبح قاعدين ع المكتب	لا حد بيقرا ولا يكتب
أخينا بيقرا الأخبار	ولا فاهم حاجة دا حمار
أختنا الموظفة سامية	محتاسـة في تقميع البامية
وزميلتها مدام عنايات	بتبيع في المكتب شرابات
وأخينا بتـاع البوفيه	فهـلـوي أوي ابن الإيه
يشوف المواطن داخل	يجري يحوم حواليه
ويقول له أنا باشبه	ويحلق له بعنيه
وسيادة المسئول	هو اللي زقه عليه
يقول لو شخصت جيبك	ساعتها ما ها سيبك
طلباتك هنا أوامر	دا انت الحاكم والأمر

طلباتك ياسيدنا البيه	والأسـرة عاملة أيه
أنا اسمي السالك	ودايماً هاقف جارك
آه من بتـاع البوفيه	طلع له بعشرة جنية
وأخذ طلب الزبون	وبنفسه أشـر عليه
ممنون أوي ممنون	ومنكم ها صاب بجنون
يا بتـوع الروتين	يا اللي مُش فاهمين
واحد قاعد سرحان	باين عليه قـرفان
سألته زعلان ليه	قال سـيـبني يا ابن الإيه
فرقتي خسرانه الكاس	وشمّـتوا فيـه الناس
زعلان من إسبوع	وكمـان ميت م الجوع

جيب حاجة م البوفيه
واتخلص طلبي
ممنون أوي ممنون
يا بتوع الروتين
واحد يقول فوت بكره علينا
واحتارت انا بينهم محتاس
ممنون أوي ممنون
يا بتوع الروتين
واحد يقول شوبيك لوبيك
بس انت معمول لك عمل
ممنون أوي ممنون
يا بتوع الروتين
واحد تاني بيحل الكلمات
عمال يأكل في بلح أمهات
هات روزمة ورق وعشرتألام
هات ديك فصيح عمال يصيح
ممنون أوي ممنون
يا بتوع الروتين
أنا قولت أدخل ع المدير
بقي له ساعة ع التليفون
ممنون أوي ممنون
يا بتوع الروتين
وكممان الست فوزيه
بتنادي واتشاور ليه
روح هات لي م الدكان

لو حتي بميت جنية
أنا في أيه وانت في أيه
ومنكم ها صاب بجنون
يا اللي مُش فاهمين
والتاني عمال يشخط فينا
وعاوز اضربهم بالمداس
ومنكم ها صاب بجنون
يا اللي مُش فاهمين
أنا اللي أخلص لك طلبك
واللي عاملاه وزه وجمل
ومنكم ها صاب بجنون
يا اللي مُش فاهمين
قالوا اللي خلف عمره ما مات
إديته طلبي قال لي هات
جنبنا من عند الحاج إمام
ويزعق ويقول يا سلام
ومنكم ها صاب بجنون
يا اللي مُش فاهمين
يمكن يحسبني بتقدير
عمال يقول باردون باردون
ومنكم ها صاب بجنون
يا اللي مُش فاهمين
عماله تبخلق أوي فيّه
واهي قاعدة تقطف ملوخية
بخمسة جنية لبان

وسيب طابك عندي	ما تخافشي دا في أمان
يا اخوانا جبت اللبان	وكان ها يصيبني جنان
الهانم عملاه قرطاس	وحطه فيه برشام لوجع الراس
خدت لي منه برشامه	وضربت نفسي بالمداس
وقطعت طابي ورميته	والكل عليه داس
ممنون أوي ممنون	ومنكم ها صاب بجنون
يا بتوع الروتين	يا اللي مُش فاهمين



(٢٠) الحارس الله

الحارس الله والصلاة علي النبي

الحارس الله والصلاة علي النبي

دا عريسنا بدر منور يا الا سموا وصلوا عليه

الحارس الله والصلاة علي النبي

دا عريسنا وشه مدور وسبحان اللي صور

الحارس الله والصلاة علي النبي

دقوا لعريسنا المزاهر دقوا الدفوف

الحارس الله والصلاة علي النبي

دا عروسته حلوه جميلة وشعرها ملفوف

الحارس الله والصلاة علي النبي

دا عروسته شايلة الشمعة وراسه الحنة عا الكفوف

الحارس الله والصلاة علي النبي

دا عروسته بنت عيلة أم عيون سمرا وكحيلة

الحارس الله والصلاة علي النبي

إفرشوا الشارع بالورود وعلقوا الزينات

الحارس الله والصلاة علي النبي

لعروسته تدوس عليه الأمور سِت البنات

الحارس الله والصلاة علي النبي

باركوا لابوها وعمها باركوا لخالتها وخالها

الحارس الله والصلاة علي النبي

عروستنا حلوة جميلة وسابقة في دلالتها

الحارس الله والصلاة علي النبي
باركوا لآخوها واختها باركوا للعيلة
الحارس الله والصلاة علي النبي
يا عريسنا يا الـا بوسها وشيلها هيله بيـله
الحارس الله والصلاة علي النبي
يا عريسنا يا الـا اشرب واسقيها الشربـات
الحارس الله والصلاة علي النبي
عقبال بنات العيلة وعقبال كل البنات
الحارس الله والصلاة علي النبي



(٢١) آه يا جماله

آه يا جماله يا جماله يا جماله
واللي بحبه سايق في دلاله
بعث له ألف وميت جواب
والرد ماجاش الرد غاب
خبطت عليه قام قفل الباب
ما اعرفشي ليه من غير سبب يا جماله
آه يا جماله يا جماله يا جماله
واللي بحبه سايق في دلاله
أنا سوقت عليه عمه وخاله
ما انا قلبي داب في خلخاله
ما اعرفشي ليه كدا ماله
الاسمر أبو عيون كحيلة يا جماله
آه يا جماله يا جماله يا جماله
واللي بحبه سايق في دلاله
لما يشوفني واقف بيروح
أنا نفسي مرة بحبي يبوح
القلب انكوي ومنه مجروح يا جماله
آه يا جماله يا جماله يا جماله
واللي بحبه سايق في دلاله
أنا روحت اشوفه عند الدار
أنا قلبي حبه وعقلي احتار

قام قال لي روح وبطل هزار يا جماله
آه يا جماله يا جماله يا جماله
واللي بحبه سايق في دلالة
أنا قلت اشوفه عند التوتة
دا حبيبي زي البسكوتة
وطلبت كام بوسة عا النوتة
قام قال لي روح عندي زوغة يا جماله
آه يا جماله يا جماله يا جماله
واللي بحبه سايق في دلالة
أنا قلت أشوفه عا المحدة
قام شافني جاي وقف هدي
قلت له كفاية عناد ومناهة يا جماله
آه يا جماله يا جماله يا جماله



(٢٢) بلد شهادات

وبلدنا بلد شهادات	بلد شهادات بلد شهادات
واعيش حياة كلها بغددة	كان نفسي أشتغل بالشهادة
والناس كلها شاهدة وسامعة	أخذت كلية وجامعة
مش في السوق ببيع جرجير	كنت مفكر هابقي مدير
مش متبهدل كده ومفلس	كنت مفكر هابقي مهندس
بدل مستقبلي اللي باظ	كنت مفكر هابقي أستاذ
بدل الأسطي لي ما يسب	كنت مفكر هابقي محاسب
بدل ما ابيع الأنابيب	كنت مفكر هابقي طبيب
بدل مانيش فاهم وطور	كنت مفكر هابقي دكتور
بدل ما عند الناس أتاجر	كنت مفكر هابقي تاجر
مش مفلس وع الحديد	كنت مفكر هابقي عميد

بدل عياري اللي بيطيح	كنت مفكر هابقي شويش
يمكن ها خودها في الممات	أعمل أيه أنا بالشهادات
وكممان عاينهم في الشنطة	يا خسارة واخدهم أونطة
أو منوفية أو طنطا	والله ما تفرق جامعة بنها
يا اخوانا عيب دا أونطة	قالوا الدبلوم عليه اللوم
الكوسة اللي عليها اللوم	لا الجامعة ولا الدبلوم

(٢٣) الصبَا والشَّيْب

الصبَا قال للشَّيْب	عيب عليك عيب
إزاي تفوت أدامي	دا أمر والله عجيب
زمنك خلاص انتهي	وبكره شمسك تغيب
إوعي في يوم تعلّي صوتك	عليه أو تقاطعني
راح اضربك بالسيف	ومين ها يمنعي
وان لام عليه الناس	ها اقـول أيه يعني
إلتفت الشَّيْب للصبَا	وقال له كـدا عيب
يا ديب خليك أديب	أحسن الأسد يسيب
ولا حد ساعته ينفعك	إن كان عدو واللا حبيب
آه يامين يقول لي	آه يامين يدلني
علي سوق يكون	فيه الصبَا ينباع
أنا كنت ابيع الشَّيْب	واجدد في البلاد نزاع
وامسك السيوف	واضرب بالكفوف
ولا حد يغلط فيه	شجاع ولا مهفوف
الأبـط المـفـتري	وأقف مع الضعيف
وان خـد منه حاجة	أقول له هات يا خفيف
ولو اعدي في يوم	الكل يقف ويقوم

يضررب تعظيم سلام	ما انا كـبير القوم
ولو غلطت مرة	ما حد يقدر يزوم
ولو في يوم أعدّي	الكل يقف ويهدي
أنا عنتر زماني	ولا حد فيهم أدي
ولو حد فيّه عاب	راح اضرب وأدي
ألبس المحزق	ولا حد يقدر يهزأ
أدخل أي عاركة	ولا حد يقدر يزأ
ولو اطلب أي حاجة	ما حد يقول لي لأ
ويوم ما ييجي الشيب	عمري ما هاعمل عيب
ولو حد مسك فيّه	مش ها اقول له سيب
وقبل ما ييجي الشيب	أنا هارجع واتوب
أنا ياما كتير غلطت	وكلي ذنوب
ربك غفور ورحيم	دا يا ابني رب قلوب

(٢٤) الناس الطيبين

الناس الطيبين	لقلوبنا قريبين
تشوفهم تعرفهم	قلوبهم زي الماس
وكلهم إحساس	بيساعدوا كل الناس
ولا يفرقشي معاهم	تراب أو ذهب أو ماس
ودايماً يرموا التماسي	ولا يكرهوا م اللي قاسي

الناس الطيبين	لقلوبنا قريبين
بيبدعوا بالسـلام	ويقابلوك بابتسام
ولا يزعـلوا م اللي لام	ودايماً ينسوا الآلام
ولمـا يـدوا	ما يقـولوش بكـام

الناس الطيبين	لقلوبنا قريبين
عاملين زي الطير	مايبصوا لحاجة الغير
ودايماً يـدوا اللي عاز	ويهنوا اللي فاز
ونفسهم في السما عالية	وعلي طول عـزاز
ولا يفرقشي معاهم	صفيـح أو إزاز

الناس الطيبين	لقلوبنا قريبين
بيحبوا البسطة	ويكرهوا الألاطة
ولا عمرهم يوم	يسوقوا العباطة
دايماً يداروا الهموم	عاملين زي الغيوم
ولما يهاوا علينا	ما يقولوا للقاعد قوم
ولو تعبنا يوم	عنهم ما تشوف النوم
الناس الطيبين	لقلوبنا قريبين

(٢٥) مصر عاوزة تتكلم

مصر بتتألم عاوزة تتكلم	وتصرخ وتقول تعملوا فيّ كده
ليه تجرحوني	وتشتمتوا فيّ فيه العدا
شربتوا من نيلي	أكلتوا من خيري
ملاحكم هي ملامحي	ومصيركم هو مصيري
وعشان اشتد عودكم	تعدوني
وتسيبوا حُضني وترتموا	في حُضن اللي عادوني
يا اللي نسيتموا الأحلام	وزرعتوا الأوهام
سكنتوا الكهوف	وحملتوا عليه السيوف
حفرتموا الأنفاق	وجبتوا لي الداء
بقي عشان إيران	تضربوني بالنيران
وعلي الجزيرة وتركه	بتسبوا وتلعنوا فيه
يا اللي بتزرعوا الألغام	أفكاركوها أوهام

يا اللي بترموا القنابل	وتفرطوا عُقد السنابل
ليه تحرقوا الزروع	وتنشفوا الضروع
واتفجروا واتهجروا	وتملوا العيون بالدموع
بتفجروا في الجيش	ما طمرشي فيكوا العيش
يا اللي بتمسحوا في الدين	وتصلوا وتقولوا آمين
ولما تشوفوا الخير	تقولوا مش شايفين
وكل ما تشموا الفل	قلوبكو تتلمي غل
بتقتلوا الشهيد	يا اللي قلوبكو حديد
اللي يامما سهر عليه	ودعي لي بعمر مديد



واللي واقف ع الحدود	وعارف إنه مفقود
واللي ساب بيته وعياله	وساكن مع الأسود
واللي شايل سلاحه وبيغني	ويضرب ع العود
اللي بيقول كام موال وموال	لجل يقصر الليل اللي طال
يا ولاد الإخـوان	يا ولاد اللي خـان
يا ولاد البـومة	وتربية الغـربان
ما هو كل شيء للأسف	انكشف وبـان
بتشـردوا العيـال	وتموتوا اللي عال
وتبهـدلوا الأرامـل	اللي معاها واللي حامل
بتخـربوا البيـوت	عاملين زي العنـكبوت
يا اللي عاملين زي الخفافيش	عياركوا بـكره يطيش
أسودي واقفين ع الباب	ها يدفنـوكم تحت التراب
وبكره حماس تنـداس	وتتهـرس تحت المداس
وجبهة النصـرة	تصيبها الخيبة والحسرة
ولـواء الشـام	ولاد اللـشـام
ها يبقوا لنا مطايا	ونركب لهم لجام
ونخرطهم للـوز	ونـرميهم للحمام
ويقولوا عسل يا زلاية	طـعم يا بلح الشـام
وبتـوع بيت المقدس	ها نهـرسهم هـرس
ونصطادهم زي الأفاعي	ونكنسهم كـنس
يا ريت تبطلوا العويل	وتوجهوا سلاحكوا لإسرائيل
يا بتـوع بيت المقدس	يا اللـي مـش فاهمين
بيت المقدس مش في مصر	بيت المقدس في فلسـطين
الويل لإيران وتركـيه	والـويل لقطر الهفـية
اللي خلعت توب الرجولة	ولبست تـوب ولية

ولبست توب إيران وتركيه	اللي خلعت توب العروبة
واتعلّمت الفارسية	اللي نسيّت لغة العروبة
ما هي ديل إيران وتركيه	اللي عمّالة تحرق في ليبيا
عمّاله تدمّر في سوريه	اللي شغالة عندهم جارية
مصر ها تفضل قوية	مهما خطّطوا أو دبّروا
مصر ها تفضّل أبية	ومهما خرّبوا أو دمّروا



(٢٦) معلشي

يا بتوع معلشي مين اللي عليه	بتغلطوا فينا وتقولوا معلش
معلشي هي الشماعة	دايماً يقولوا في الإذاعة
واتعلقوا غلطكوا عليها	يا اخوانا ليه تقولوها
وارميها تحت رجلي وادوس	أنا عاوز أشيلها م القاموس
يا بتوع معلشي مين اللي عليه	بتغلطوا فينا وتقولوا معلش
ولا تععرفوا حق الجار	دايماً واخدينها هزار
واللي يغلط يعتذر	اتعلموا لغة الحوار
ولا عمره في يوم قل مقدار	الاعتذار عمره ما يبضر
يا بتوع معلشي مين اللي عليه	بتغلطوا فينا وتقولوا معلش

معلشي	فيه حاجة غلط
معلشي	أنا عاوز اتكلم
معلشي	يا ناس ضميري
معلشي	حرام بتـالم
معلشي	تمشي مخالف
معلشي	تكسر إشارة
معلشي	هات اللي عليك
معلشي	تزهق عليه
معلشي	وتزق فيـه
معلشي	ابنك عاب فيـه
معلشي	أنا عاوز حقي
معلشي	تغلطوا فيـنا
معلشي	يا بتـوع معلشي
معلشي	مين اللي عليه

(٢٧) علي ضيك يا قمر

علي ضيك يا قمر	فيه ناس سهرانيين
اللي يبكي واللي يشكي	واللي يقول يا ليل يا عين
اللي يبات مجروح	واللي مش عارف فين يروح
واللي حملة مال	واللي بيغني كام موال
واللي نسيوه الحبايب	واللي فاتوه القرايب
علي ضيك يا قمر	فيه ناس سهرانيين
فيه اللي قلبه انشرح	وفيه اللي قلبه انجرح
فيه اللي دمعه سال	وفيه اللي حاله مال
وفيه اللي خانه صديق	واللي انقطع به الطريق
وفيه اللي فاتوه الحبايب	وم الحب ماله نايب
وفيه اللي انجرح م الحب	وماله—وش نصيب

وفيه اللي عايش وحيد	وعنده كتي—ر م القرايب
وفيه اللي عنده فلوس	والناس لا—يده تبوس
وفيه اللي عنده فلوس	لكن عايش—ش متعوس
وفيه اللي عايش متعوس	وعليه الناس تدوس
وفيه اللي لابس الماس	وفيه اللي حياته باس
وفيه ناس بتدوس	وناس بت—نداس
علي ضيك يا قمر	فيه ناس سهرانيين
فيه اللي قلبه انشرح	وفيه اللي قلبه انجرح



(٢٨) جشع التجار

ودا من أيه ودا من أيه	أبو مليم بقي بجنية
ودا من أيه ودا من أيه	أبو جنينة بعشرة جنية
وتيجي تسأل يقولوا الغلا	يا طماعين جاتكوا البلي
جايبين الحاجة بجنيه وهاف	وتبيعوها بعشر أضعاف
وحاجات جايبينها بتعريفة	آه من جشعكوا يا حريفة
قالوا الطماطم مجنونة	نفسها في الرنجة والتونة
قالوا الخيار جاله دوار	عشان كده سعره دوار
قالوا ع الكوسة ملبوسة	وهنا نعمل ليها حفلة زار
قالوا البامية جالها أنيمية	يا اخوانا عيب كفاية هزار
قالوا ع القوطة ملطوطة	عندها هـزيان وزوغوطة
قالوا البصل جاله السل	وبكره ها يبغي زي الفل

قالوا التوم ما بيشبع نوم	دا عاوز كام حقنة ومنوم
قالوا البطاطس بتعطس	يا اخوانا عيب كفاية هزار
قالوا البنجان جاله إدمان	وبندعي له بالشفاف من زمان
قالوا الخس انصاب بمقص	في عاركة حامية ودامية
قالوا الشطة جالها زوغوطة	بتنط نطه ونار حامية
قالوا المنجة علي طول هايجة	بقي لها يومين قاعدة وقايمة
قالوا الأناس يا عيني انداس	برجل نملة عورة وعامية
قالوا العنب عاب فينا	ومين يجيب لنا حقنا
قالوا البلح لينا شلح	بيشيل خرسانة ومسلح
قالوا التفاح منقاره ساح	دا عنده برد وجاله كُساح
قالوا اللمون جاله جنون	يا اخوانا عيب كفاية هزار
قالوا البرقوق مش نازل السوق	حالف كام يمين ما حد يدوق

قالوا الخوخ يا عيني داخ يا اخوانا عيب كفاية هزار
قالوا الكوميترا علي طول فاتره عنيهـا تعبانة عاوزة قطرة
قالوا التين منعاص طين يا اخوانا عيب كفاية هزار
قالوا الموز عاوز له جوز جزمة واربع شرابات
قالوا اليوسفندي عامل أفندي يا اخوانا عيب كفاية هزار
قالوا البرتقان مش حاسس بأمان يا اخوانا عيب كفاية هزار
قالوا السكر عمال يفكر والشاي علي طول رعاي
قالوا البن عمال يزن والعدس ماشي هالس
قالوا الحلبة عاملة ألبه والبسلة بتملي القله
قالوا الرز قال لنا طظ والجبنـة بتأدبنا
قالوا الطعمية ها تبقي بميه والفلول علي طول مبلول
قالوا الملوخية بتشاور ليـه والقـرنبيط أهبل وعبيط
قالوا الكرات شايل محرات والجرجير لابـس حرير

قالوا اللحمـة عندها ثخمه والفلـواخ بتقول آخ
قالوا الحمام لابـس لجام والكاكـولا بتلعب أولي
قالوا الزبادي عمال ينادي والدقيق عمال يسيء
قالوا الردـه جالها خاضه والدشيشة بتشرب شيشة
قالوا العلف جاتوا أرف واليانسون جالوا جنون
قالوا النعناع مُستقبله ضاع والفينو ناس بتهينه
عشنا وشوفنا التجار بيـرموا اللوم ع الخضار
يا اخوانا عيب كفاية هزار

(٢٩) المنحوس والفرارجي

عبد العال منحوس متعوس

ما معاهوش فلوس ونفسه في اللحمه

ويوم ما قبض المرتب وقف عند الفرارجي في الزحمة

عمال يزق وينزق من ناس نحيفة وناس عندها ثخمة

في الزحمة فيه ناس فهلوية وفي الزحمة ناس لخمه

وفي الزحمة ناس جدعة وفي الزحمة ناس رخمة

صاحبنا واقف يتفرج قام بص لديك

الديك زعق له ونفش ريشه وقال له بعرفي ها اديك

أدامك ياعبده تلت ثواني مش اربعة يا تنجريا هاوريك

عبد العال منحوس متعوس

ما معاهوش فلوس ونفسه في اللحمه

ويوم ما قبض المرتب وقف عند الفرارجي في الزحمة

صاحبنا راح يتفرج ويبص علي قفص الوز

عمال يحوم ويدور ويجز علي اسنانه جز

قام بص له كبيرهم من تحت لفوق وقال له ما كانشي ينعرز

عبد العال منحوس متعوس

ما معاهوش فلوس ونفسه في اللحمه

ويوم ما قبض المرتب وقف عند الفرارجي في الزحمة

صاحبنا راح يتفرج علي قفص البط

عمال يطير عمال يزعق وينط نط

إل وكبيرهم عضه باسنانه وزطه زط

عبد العال منحوس متعوس

ما معاهوش فلوس ونفسه في اللحمه

ويوم ما قبض المرتب وقف عند الفرارجي في الزحمة

صاحبنا راح يتفرج علي قفص البح

دكر كبير نافش ريشه ضربه قال هاح

وباقى القطيع نازل فيه شتيمة وردح

عبد العال منحوس متعوس

ما معاهوش فلوس ونفسه في اللحمه

ويوم ما قبض المرتب وقف عند الفرارجي في الزحمة

صاحبنا م الزحمة جاله زكام وعمال يسح

وبعد كام ساعة وساعة خد فرخة عمالة تكح

واهو ماشي آه ياخيبيته طارت منه من سطح لسطح

عمال يجري بسرعة وراها والشمس نازلة قدح

عمال ينادي لها بأشعار حلوة كلها مدح

قام الواد عكاشة صاحب السطح ماسك فيه ونازل دح

روح لمراته من غير لا فراخ ولا لحمه نزلت فيه ردح

عبد العال منحوس متعوس

ما معاهوش فلوس ونفسه في اللحمه

ويوم ما قبض المرتب وقف عند الفرارجي في الزحمة

مراته كانت قاعدة مع الجيران سمعت الميكروفون بيقول بيان

يا ولاد الحلال نسا ورجال وبنات وعيال

اللي لقي فرخة عيانة عمالة تكح وعندها إسهال

ينوبه ثواب يوديها لخالتك فوزية مرات عبد العال

عبد العال منحوس متعوس

ما معاهوش فلوس ونفسه في اللحمه

ويوم ما قبض المرتب يا ريته ما وقف عند الفرارجي في الزحمة



(٣٠) يا حلو مَسِّي

فأيتني ليه سايبني أقاسي	يا حلو مسي وارمي التماسي
الحيوة أبو قلب قاسي	بيعدي عليّه ما بيمسي
بيص لي ويعمل ناسي	ولمّا يشوفني مع ناسي
ليه دايمًا تجرح إحساسي	يا عم يا ناسي يا بو قلب قاسي
فأيتني ليه سايبني أقاسي	يا حلو مسي وارمي التماسي
محتار يا ناس أعمل له أنا أيه	دا من يومين متغير ليه
وبرضه سايق في دلالة	أنا سوقت عليه عمه وخاله
مجروح يا ناس من سحر عنيه	دايمًا سهران مشغول أنا بيه
فأيتني ليه سايبني أقاسي	يا حلو مسي وارمي التماسي
ما لقيتوش أتاريه عدي	أنا قلت اشوفه ع المخذة
واحكي له كام حدوتة	أنا قلت اشوفه عند التوتة
قام شافني جاي لف ودار	روحت اشوفه عند الدوار
فأيتني ليه سايبني أقاسي	يا حلو مسي وارمي التماسي

(٣١) أوبريت يا شيخ البلد

يا شيخ البلد يا اللي بتقيد اللي مات واللي إتولد
إفتـح دفاترك قول لنا ع اللي فات واللي جد
الـوادم حنتيرة دخل الجيش وبقـي شـويش
وام إسماعيل عاوزة رغيف عيش قلت لها مفـيش
والوادم حمـبـوزو مادد بوزو قلت لـه مـعـش
والوادم بعضشي حماره رفصني قلت لـه هـش
الوادم زعـبـله بيشرب كله وياكـل مـش
والبت فله شايلة القله وعاوز أشـرب قـالت مـعـش
يا شيخ البلد يا اللي بتقيد اللي مات واللي إتولد
إفتـح دفاترك قول لنا ع اللي فات واللي جد
الـوادم حباقة آخر لباقه شـاحـن لـه باقة
والـوادم قباقة شوف الحمافة راكـب ع النـفاقة

والوادم حلبسه شكله لابسها فـي كـام خـفاقة
علي طول يتراخم علي حموسه وعـزت سـقـساقه
يا شيخ البلد يا اللي بتقيد اللي مات واللي إتولد
إفتـح دفاترك قول لنا ع اللي فات واللي جد
الـوادم اللمبي قاعد هنا جنبي بيشـكي هـمـومه
ومعدي عليـه عبده القزعة طـالع مـن هـدومه
والوادم حموسه بنت عاكسها والنـاس بـلـومه
والوادم بركاش علي طول نتاش كـدـاب مـن يـومه
ومعلي الراديو جنب زعير صـحـاه مـن نـومه



يا شيخ البلد يا اللي بتقيد اللي مات واللي إتولد
إفتح دفاترك قول لنا ع اللي فـات واللي جد
البت مققدسه حموسه باسها عملوا له جناية
وخالتك هنومة زي البومة دايمـا رـغـاية
بتقول حنتيرة بياكل عدس وفـول وجـراية
والواد سبوك جاب من تبوك مشـط وفـلايه
يا شيخ البلد يا اللي بتقيد اللي مات واللي إتولد
إفتح دفاترك قول لنا ع اللي فـات واللي جد
الواد شعبان فتح دكان ببـيع لبـان
وعبده سليمان عمال يكح شكـاه عيـان
وسعيد عجلان عمال يضحك ها ييجي له جـان
وكمال شوشان بيشرب جوزة وجـاله إدمـان
وفوزي عثمان عنده ساقية وكـام فـدان
واربع فدادين قطن منور وتـلاتة رـمان
وزعبله بياكل علي سفره خشـبه زان
أدامه طبق رز وكوسه وصـحن بدنـان
ومعدي عليه قال لي إتفضل تعـالي يا مـان
سلمت عليه كان واحشني بقـي له زـمان
أدي اللي حصل يا عيال وادي اللي كـان
وطول عمري شيخ البلد وكـمان فنـان
يا شيخ البلد يا اللي بتقيد اللي مات واللي إتولد
إفتح دفاترك قول لنا ع اللي فـات واللي جد

(٣٢) يا قطر الحياة

يا قطر الحياة يا اللي ماشي ع الحـدود
يا اللي مسافر ورايح عند الجـدود
يا قطر ليه بتودي ومش عايـز تجيب
ليه عمّال تاخذ وهنـاك تسـيب
ليه جرحت قلوبنا وخـدت الحـبيب
اللي كان بينا وشـمسـه ما بتغيب
فرقت بين حبيـبين ومفـيش نصـيب
يبقي صحيح زي ما قالوا الـزمن بيعيب
يا قطر الحياة يا اللي ماشي ع الحـدود
يا اللي مسافر ورايح عند الجـدود
يا قطر يا اللي مسافر وعمـرك ما بتعود
يا اللي بتبكي الأماـرة البـيض والسـود

ليه واخذ معاك الصغير قـبـل الكـبير
اللي تركوا المتاع ولـبس الحـرير
خـرجوا م الدنيا بحتة قـطـن وقـماش
وفيهـم اللي راح عمره هدر بـلاش في بلاش
يبقي صحيح زي ما قالوا الدنـيا ما تسـواش
يا قطر الحياة يا اللي ماشي ع الحـدود
يا اللي مسافر ورايح عند الجـدود
يا قطر الحـياة يا اللي ما لكشـي إتـجاهين
عمّال تشرق وتغرب رايـح علي فين
واخذ معاك أولاد فـي عمر الزهـور

بكت عليهم الأمانة وبنات الحور
يا قطر ليه عمّال تاخذ ولا تديش
وتجري وتسابق الزمن ولا تهديش
يا قطر هدي بقي شوية إمشي علي أدي
أنازي ما باخد لازم أممدي وأدي
يا قطر الحياة يا اللي ماشي ع الحدود
يا اللي مسافر ورايح عند الحدود

(٣٣) الجامعة العربية

قولوا للجامعة دي أكيد سر ——— جامعة فـين أعضائها
اللي شـموسـهم غابت ——— بأيـدين أعدائها
يا سورـية يا عـربية ——— يا أم الطـلة البـهـية
فـيـه أيـه كـدا مالـك ——— خـليـكي صـابـرة وقـوية
إوعـي ينـز عـوا عـروبتـك ——— إوعـي تتـكـلمي الفـارسية
اخـواتـك دول معـاكـي ——— إوعـي تـبـيعـي القـضية
الله ينـصـرك يا بـلدنا ——— عـلي إـيران وتـركـيه
قولوا للجامعة دي أكيد سر ——— جامعة فـين أعضائها
اللي شـمـوسـهم غابت ——— بأيـدين أعدائها
قولوا للجامعة العربية ——— فـين زـمن الـيمن السـعيد
لـيـه لا بـس تـوب الحـداد ——— وخـلـع تـوبـه الجـديد
مـالـه غـضـبان كـدا ومـكـشـر ——— حـتـي فـي يـوم العـيد
إوعـي إـيران وتـركـيه ——— يـعـدوك م العـبيد
لا يا يـمـنـي كـدا ما يـصـحـش ——— دا إنت السـيد وهـما العـبيد
قولوا للجامعة دي أكيد سر ——— جامعة فـين أعضائها
اللي شـمـوسـهم غابت ——— بأيـدين أعدائها
يا طـرـابـلس يا بـنـغـازي ——— يا بـلـاد المـغـازي
لـيـه جـواكـي مـيت غـازي ——— وعـلي بابـك ألف إنتـهـازي
مـن زـمان عـاوز أـجـيـك ——— أقـدم التـعـازي
قـلبـي معـاكـي يا بـلـدي ——— ولـكي حـبي واعـتـرازي
اللي شـمـوسـهم غابت ——— بأيـدين أعدائها
الـدـهر يـامـا قـال وعـاد ——— عـلي بـغـداد

أم دجالة والففرات أم الأمجداد
 ليه يا بلدي طمعوا فيكي وجرحوا الفؤاد
 اللي زرعوا الشوك والفتنة في أرض الأجداد
 اللي شمسهم غابت بأيدين أعدائها
 الدهر ياما قال وعاد علي بغداد
 وفلسطين أرض التين والقدس والزيتون
 عربية وحرره أصيلة من عهد أختاتون
 اليهود قلــوبهم سود وياما حرقوا غصن الزيتون
 اللي ما يعرفوا إلا الغدر والدمار والجنون
 اللي شمسهم غابت بأيدين أعدائها
 الدهر ياما قال وعاد علي بغداد
 ليه يا عرب قطربقت عميلة إيران وتركية
 ليه خلعت توب الرجولة ولبست توب ولية
 ليه خلعت توب العروبة ولبست توب تركية
 ليه نسيت لغة العروبة واتعلمت الفارسية
 مهمما خططوا أو دبوا مصرها تفضل قوية
 مهمما خربوا أو دمروا مصرها تفضل أبيه
 اللي شمسهم غابت بأيدين أعدائها
 الدهر ياما قال وعاد علي بغداد

(٣٤) نـدي

ندي يا ندي يا ندي ندي يا ندي
دي حبيبة بابا وماما وحياتها بغددة
مين حبيبة بابا نـدي
مين أمورة بابا نـدي
مين سنيورة بابا نـدي
مين كتكوتة بابا نـدي
ندي يا ندي يا ندي ندي يا ندي
دي حبيبة بابا وماما وحياتها بغددة
دايماً تلعب في الحارة علي طول عامله لنا غاره
ومعاه طار وطبلّة وتزمر بالزماره
الكل إشتكي منها صبيان وبنات الحاره
دي لابسه جونيئه بيضا وفيونكه ونضارة
ندي يا ندي يا ندي ندي يا ندي
دي حبيبة بابا وماما وحياتها بغددة
عندها كمان أخين جدعين ميت فل وزين
بيقولوا يا ناس يا هوه قولوا لنا نروح علي فين
بتعضهم باسناتها دي بنت جن جناتها
عقلها يا ناس مهفوف ويتضرب بالكفوف
دي لابسه فائلة صوف بتقلد الخروف
ندي يا ندي يا ندي ندي يا ندي
دي حبيبة بابا وماما وحياتها بغددة
أمها بتنادي عليها ودايماً مش سائلة فيها
بتحب أبوها لوحده ما هو دايماً بيداديهها
قلبها ياناس ينشرح لما يقولوا فيه فرح

بتحب عمها وخالها دي بنت سايقة دلالتها
ندي أمورة يا ناس وكمات أمورها تحير
عندها مشكلة واحدة يا عيني أبوها قصير
ندي يا ندي يا ندي يا ندي
دي حبيبة بابا وماما وحياتها بغداد

(٣٥) اصطباري

الكورال	اصطباري اصطباري اصطباري	اصطباري
دي أم ٨ بلاد		"
من شبرا لأشرف جاد		"
أصلها مشهورة بالكرم		"
لا تقول عتبة ولا هرم		"
دايماً بتقابل الضيف		"
في أي شتا أو صيف		"
وولادها كمان جدعان		"
والله دا من زمان		"
اصطباري اصطباري اصطباري	اصطباري	
دي حته من المنوفية		"
يارب خليها ليّه		"
موجودة في شبين الكوم		"
لا عليها عتاب ولا لوم		"
دي بعد ميت مسعود		"
أصلها مشهورة بالجود		"
دي جنب الدلاتون		"
إشرب فيها شاي وليمون		"
أُدام كفر العجايزة		"
دي واخده مليون جايزة		"
قبل شبرا خلفون		"



إنـزل واعـمل تـلـفـون
فـي اصـطـباري اصـطـباري اصـطـباري
إنـزل ع الوسـعاية
تـلقـي نـاس رـغـاية
تـلقـي واحـد مـرـزي
جـنب عـمـاد التـرـزي
حـباقة واخـوه قـباقة
أطـاف وآخـر لـباقة
ولاد رشاد عبد الصادق
زوق وأدب ومـمـبـاديء
ومحمود الزهار
غـفـير عـلي نفـس الدار
ولو عاوز سبـوك
هـا تـلاقـيه فـي تـبـوك
وعند عمك ناجي
عـلف نامـي وبـادي
ولو عاوز التـمـوين
جـنـب ام أمـيـن
أشرف وأخوه جاد
ولاد عبد الفـتاح جـاد
إمـشـي ع البـوابـة
نـاس مـغـرمـه وصـبابـه
هـتـلاقـي سـعـيد بـدر
فـاتـح دُكـانـه م الفـجـر
والسـيد القـاضـي
دايماً مشغول مش فاضي

إسلام ابن لاشين
جـدع أوي ومتين
وعبد المجيد شرارة
شغال وكله حرارة
أدام مُحبي ضباب
الباب في وش الباب
ها تلاقي رضا شلبي
واد مجدع أصله حلبي
ها تلاقي طارق سلام
رجولة أوي وهمام
ها تلاقي ماهر ضباب
دا الباب في وش الباب
ها تلاقي هاني شلبي
واد مجدع أصله حلبي
والفطار والغدا
عند محمد أبو ندا
ولو ميت م الجوع
إطلع ع المشروع
اللمبي وابو سيد
والله هنالك ها تعيد
ولو عاوز إيد فاس
جنب جمال عباس
روح لصبحي مبارك
واد مجدع يقف جارك
وولاد الرملوي
صابونهم كله رغاي



عند جمال منصور
محل جنب الدور
أدام أحمد ضباب
الباب في وش الباب
محل محمد سعيد
دا كله جديد في جديد
قاعد هناك ع المصرب
للي ياغل ويشرب
أدام عصام سعيد
لابس جديد في جديد
محروس أبو غزالة
من الناس الرجالة
ومحمود عبد السلام
من الناس الهمام
حشمت واخوه أمين
دول طالعين لمين
رجب أبو حليلة
راجل وكله قيمة
ولو عاوز أنبوبة
ها تلقي عيال حبوبة
عند جمال منصور
الجاببة والأكور
ولو عاوز مفتاح
صابر عبد الفتاح
ومحله هناك ع المصرب
للي ياكل ويشرب

هـانـي عـبـد النـعـيم
هـادـي أوي وحـلـيـم
ومـحمـود اسـمـاعـيل
واد أصـلـه م البراجـيـل
ومـعـاهـم عـبـد اللـطـيف
رتبـتـه فـي الجـيـش عـريـف
ويـعـرف يـسـوق القـطـر
وهـو قـاعـد ع الرـصـيف
أحمد عـبـد الرـحـمـن
دا تـاجـر مـن زـمـان
أسـعـاره رخيـصـة
وكـمـان بـيـبـيع هـريـسـة
ومـحـله هـنـاك ع المـصـرب
للـي يـاكـل ويشـرب
وعـند جـمـال عـطـيه
ألف ومـيـت هـديـة
وعـند جـمـال عـطـية
اللـعـبـة الشـحـيـقـة
واقـف يـبـيع فـي طـوخ
م الإبـرة للـصـاروخ
جـمـال أبـو أمـيرـة
مـن النـاس السـهـيـره
وعـارف الواد حـلـبـسـه
كـلـبـته هـبـت فـي البـسـه
فـرج ويـحـيـي شـرارة
دول فـاكـر يـنـها شـطـارة

آل شاريين نضارة
بتخفف الحـرارة
آل لابسـين طاقية
وجـزـمة وجلـبـية
آل شاريين شمسية
جـاـيـبـها مـ المطـرية
وفي الناحية القبـلية
عـيـال جدعة وشـقية
ولاد أبـو العـينين
قـاـعـدين اتـنـين اتـنـين
ولاد غـتـمي وشـعبان
رجـولة أوي وجـدعان
وها تـروح ولا تـجي
عـند ولاد المـلـجـي
إوعي تلف وتدور
عـند ولاد عـجـور
إوعي تلف لا تتـوه
عند إيهـاب قنـصـوة
ها تـلاقي سـعيد عـفـفي
بـيـقـولـك إنت ضـيفـي
ويسري عبد المـوجود
الـلـي مشـهور بالـجود
رأفت واخوه متولي
بـتـوع واجـب تـمـلي
وممدوح الخـياط
واد أصـلـه م العـياط

بيفصل فساتين
للبنات الحلوين
بيفصل بلاطي
وقمص وبدة كافي
أدام عاطف منصور
محل جنب الدور
أدام ولاد الصعيدي
بيقول أهلاً يا سيدي
محل محمود غراب
أنا قلببي منه داب
دا جنب عبد الشافي
أبو قلب صافي ووافي
عبد الشافي عباس
بيحب كل الناس
بيقرا العادات
من شبرا للسادات
عادات الميه
دي سليمة وميه ميه
وعند أحمد عمار
محل جنب الدار
أدام جمال سليم
أبو قلب ابيض وسليم
إطلع ع المجمع
له صيت كبير ومسمّع
فيه وحدة محلية
وكوبري ومعديّة

فيه وحدة صحية
لهذه ومة وشلبية
ومجمع مدارس
كبير والرب حارس
وفيه ملعب خماسي
ومدرسة تعليم أساسي
فيها بهوات شاطرين
ناس فاهمة وقاريين
كبيرهم أستاذ خيرى
تقول مكوك مش دايري
وكان أستاذ متولي
رجولة الله يخالي
ولو خايف لا تتوه
هناك نشأت قنصوة
وفيه مركز شباب
فيه كل الألعاب
وفيه مكتب تموين
فاكرينك مش ناسيين
ولو واقع في ورطة
عندك نقطة شرطة
عاوز تبعت جواب
للي سافر وغاب
فيه مكتب بريد
له بوابة حديد

كافتريا احمد عبد العال
تـروـق ويهـدي البـال
أدامه بـنـك زراعي
دايماً بـيـزـيد أوجاعي
واللي نايم يتغطي
فيه مـكـتب صـرف مـغطي
وبتوع القسم الفني
ما فيهـم حـد عاـني
يا بتوع القسم الفني
بقي لي شهرين مستني
روح لصبري الكرشي
ها يسـاعـدك ما افتكرش
روح لنبيـل عـشـماوي
يقـول قـوم مـن أـدامي
روح لعطاء قنصوة
عـقـاك مـنـه يـتـوـه
ومحمد الجندي
عامـل نـفـسـه هـنـدي
وجنبه عبد اللطيف
سـقـعـان ولبـسـه خـفـيف
وكمان خالد الحنفي
بـحـبـه رـغـم أنـفـي
يا بتوع القسم الفني
يا ريتـكـوا تـبـعـدوا عـني
دا كله في اصطباري
لا باخـبـي ولا اداري

اصطباري كتاب مفتوح
والكل ليه قاري
تأليف ناصر شلبي
مصري أصيل مُش حُلبي
وابنه عبده شياكة
يبقي زميل حباقة
وعنده محمد ناصر
أمور أوي مُش قاصر
جنب عبد بسيوني
ياريت تيجوا وتدعوني
أدام تامر حليلة
راجل وكله قيمة
اصطباري اصطباري اصطباري
اصطباري

اصطباري دي أم ٨ بلاد

من شبرا لأشرف جاد

اصطباري

أصلها مشهورة بالكرم

اصطباري

لا تقول عتبة ولا هرم

اصطباري

(٣٦) عصام بركات

أخينا عصام بركات
عمّال يقول لي هات
واقف هناك عالناصيه
ياكل بلح أمهات
وكمان نزل عالشات
خبّر لما هو آت
التعلّب فات فات
وف ديلاه سبيع لفات
أخينا عصام بركات
عمّال يقول لي هات
واقف هناك عالناصيه
ياكل بلح أمهات
أخينا دا صحفي كبير
له احترام له تقدير
وعشان حنة تقرير
إترقي وبقي مُدير
أخينا عصام بركات
عمّال يقول لي هات
واقف هناك عالناصيه
ياكل بلح أمهات
ماشى في البلد نافش ريشه



ما تقولشي عنتر مع جيشه
 عمال بالكاميرا يصور
 واللي يتكلم يتعمز
 ومعاها كام تقرير وتقرير
 إيشي تمام وإيشي مزور
 أخينا عصام بركات
 عمال يقول لي هات
 واقف هناك عالناصيه
 ياكل بلح أمهات
 داير في الناحيه
 عمال يحوم
 ولا حد منا يقدر يزوم
 دا معاه سينجه لوقت اللزوم
 أهلاً بسيدنا وتاج راسنا
 كبر القوم
 أخينا عصام بركات
 عمال يقول لي هات
 واقف هناك عالناصيه
 ياكل بلح أمهات
 أبوه قبل الممات
 كان عنده خمس بنات
 وجاب عصام الحيلة
 سكر أوي شربات
 عصام لما يعدي
 الكليل يقف ويهذي

ولو حد منا يفوت
يضربه كـ صام شـ الوت
أخينا عصام بركات
عمـ آل يقـول لي هـات
واقف هناك عالناصيه
يـاكل بـلـ ح أمـهـات
عصام ابن الأصول
عمـره مـا يـاـكـل فـول
دا بيعز الباسترمة
والبـلـ ح الزغـاـول
وكمان بيحب اللانشون
عشـان كـ دـه دايماً متـنـشن
والفراخ اللي بتاكل
علـف ناعـم مـش خـشن
أخينا عصام بركات
عمـ آل يقـول لي هـات
واقف هناك عالناصيه
يـاكل بـلـ ح أمـهـات



(٣٧) عمك فتوح الجمل

كان في البلد
شاعر وكان زجال
تسلم أيادي اللي كتب
ويسلم الفم اللي قال
ويا ما أشعاره حيرت
بنات ونسا ورجال
ويا ما أزجاله غناها
كهول وشباب وعيال
كلامه ما يتوزن بالذهب
ولا يتاقل بالمال
وداره كانت مزار للثقافة
من تهامة لفحافة
يتعلموا فيها أشعار حلوة
وأزجال كلها لطافة
وكلامهم فصل وجد
ولا يعرفوا الهيافة
ويجي اللي كتب وقال
واللي غني كام موال
واللي كتب عن الحب
وعن اللي حملة مال
وعن اللي عايش لنفسه

واللي لهموم غيره شال
عمك فتوح الجمل
اللي ياما علي اكتافه حمل
حمل هموم البلد
اللي شاب واللي اتولد
يا ابو حكمت يا حكيم
يا ابو العقل والرأي السليم
يا ابو همّت يا همام
انت لشيوخ الزجل إمام
يا ابو زينب يا زينة البلد
صورتك في قلب اللي مات واللي اتولد
أشعارك في وقت الضيق
بتسليني ولا أجدع رفيق
وأزجالك في وقت الفرح
ياما قلبي منها انشرح
وابنك عبد الرحمن
عمره في يوم ما خان
عمره ما خان عهدك
ودايماً محسناً بأمان
شهرته في البلد فاروق
ما هو راجل جدع وزوق
ويا ما فتح بيوت
من اصطباري لباب اللوق
ويقف ضد القوي
ويجيب للضعيف الحقوق

وَعُمُرُهُ مَا يَزُقُ حَدَّ
حَتَّى لَوْ كَانَ مَرْقُوقَ
وَعَلَى رَأْيِ السَّادَاتِ
الَّتِي خَلْفَ عُمُرِهِ مَامَاتِ
وَشَجَرَةُ الْخَيْرِ طَرَحَهَا بِزِيَادَةِ
وَفُرُوعِهَا لَسَابِعِ سَمَوَاتِ
وَشَجَرَةُ الْخَيْرِ بَتَظَلُّلِ
عَلَى الْغُلَبَانِ وَالْفَقِيرِ
وَيَأْكُلُ مِنْ طَرَحِهَا
الْإِنْسَانُ وَالْحَيَوَانُ وَالطَّيْرُ
اللَّهُ يَرْحَمُكَ يَا فَارُوقَ وَيَجْعَلُ مَسْوَكَ
مَعَ مُحَمَّدٍ وَأَبُو بَكْرٍ وَعَلِيٍّ وَالْفَارُوقَ
اللَّهُ يَرْحَمُكَ يَا فَتُوحَ وَيَجْعَلُ بَيْتَكَ
فِي الدُّنْيَا وَفِي الْجَنَّةِ لَنَا مَفْتُوحَ

(٣٨) اصطباري بلدي

اصطباري بلدي دي غالية عليّه
يارب احفظها وخليها ليّه
اصطباري فيها وحدة محلية
وتلاتة كوبري وخمسة معدية
وبنك زراعي ووحدة صحية
لهنومة ونفوسة وشلبية
دي حياتي وروحي وقلبي وعنيه
يارب احفظها وخليها ليّه
اصطباري بلدي دي غالية عليّه
يارب احفظها وخليها ليّه
مدرسة إعدادي
وتعليم أساسي
ومدارس ثانوي
وملعب خماسي
اصطباري بلدي دي غالية عليّه
يارب احفظها وخليها ليّه
ولد عبد الفتاح يا واد يا صابر
فجر وضهر وعصر
عمّال تهابر
عاوز بكره تبقي م الأكابر
هات إبنك وابني إوعي تكابر
هات جارك وجاري
نبني اصطباري



اصطباري بلدي دي غالية عليه
يارب احفظها وخليها ليه
ولد دار شلبي يا واد يا ناصر
هات عبد الشافي وعمار وجاسر
لجل اصطباري تبقي قوية
والله ها نشيلها في عينك وعنيه
اصطباري بلدي دي غالية عليه
يارب احفظها وخليها ليه
ها تلاقي المغرب عمك محروس
لابس الحتة الزفرة وعمال يدوس
ودا بعد العشا حاير وداير
عالمصرب فرح بيوزع سجاير
اصطباري بلدي دي غالية عليه
يارب احفظها وخليها ليه
المسا تلاقي في قهوة ريان
اللي متداري ظهر وبان
دا بيشرب سحلب ودا واخذ تعميره
ودا بيلعب طاولة مع أبو أميرة
اصطباري بلدي دي غالية عليه
يارب احفظها وخليها ليه

(٣٩) بلدنا زمان

من بعيد وعلي حدادي الشوف
وقبل السمين واللائشون والخرشوف
كانت بتقعد هنا خالتك السيدة أم عوف
عمّاله تنادي وتقول سخنة وعال يا بطاطا
ويجري عليها زعبلّة وبقلظ وأطاطا
ويروحوا يجيبوا من خالتك أم دالّش
دبل فضة وخواتم وحلقان وغوايش
ولو عاوز تعرف الجديد من عمك علي عيد
كان مزياع وتلفاز البلد من دم ولحم مش من حديد
اللي يموت ينادي عليه واللي يتولد يدعي له بعمر مديد
ولو تاهت وزّة خالتك فوز بنت جوز سعدية المترليوز
ينادي ويقول يا ولاد الحلال وزّة تايهة ميت فل ولوز
ولو عمك فرج أبو زهانة ها يدبح بقرة عيانة
يقول من دا بكرة بقرشين بقرة سليمة وغلبانة
وعيال الحارة تلف وتقول وراه ومعاهم طبلّة وزمارّة

وجاي من بعيد عمك الدحشوري
راكب الكارو وجوز حمير بتجره
جايب تموين البلد ومن تعب الحمير بيهوره
وتعالي دوق طعمية فل ولوز من إيد عمك أبو عامر
راجل كان زوق وجدع وعمره عليك ما يتامر
ويحط لك كام طعمياية لما تقول له اتوصي
بيقولك أبويه وامي ولعيبة المقاصة
وعمك سعيد الزنطيبي اللي ساكن ورا غيطي
كان ساكن مع فطومة اللي تدعي عليك روح وزه تكعبك
وتتفرج علي أراجوز يضحك ويهبلك
وملح عمك محمد النابت اللي ما لوش مكان ثابت
وعمك لبيب البهنساوي كان جزار وفهلوي
راجل كان جدع ويجب حق الضعيف م القوي
وعمك السيد شعبان يوماتي وليلاتي يلتف حواليه الجدعان
ويقعد يشعر ويقول علي عنتر وابو زيد قصص تريخ التعبان
وعمك السيد موسي كان يغازل هنومة ونفوسة ودوسة
ما هو كان بياع تموين ويضحك الرفيع والتخين
وفاكر خولي الدودة عمك محيي أبو طالب عمره
ما يعمل فيك مقالب

وعمك عبد الحميد الصفتي وصبحي عبد السلام
كان راجل جدع وهُمام
كنا في الأجازة نروح الدودة نمشي اللطع من غيط زعبله وحوودة
الشاطر يقف أيده والوسط خط نص والبليد في الساقّة
وآه يا ويلنا لما نشوف المعاون جاي من بعيد راكب حمار أو ناقة
يرجع الأيده خط نص والوسط في الساقّة
واللي يقول إنه إترقي وبقي فتاش إوعي تصدقه دا بكاش
الوحيد اللي اترقي في البلد باش فتاش هو عمك بركاش
اللي ضيع عمره في الدودة هدر وراح عمره بلاش في بلاش
وعمك حسن النظامي ساكن في الناحية القبليّة وكان نقاش
راح يدهن البيت الابيض مُقابل حتة قماش
وضحك عليه كسندر وكارتر وراح تعبّه بلاش في بلاش
ولو بنات الحور خنقوا القمر يطلع لهم عمك خطاب عبد الشافي
يلف ويدور في البلد ويقول كلام شافي ووافي
ويزعق ويشخط في بنات الحور ويلف حواليههم ويدور
ويقول واحنا نرد وراه يا بنات الحور سيّبوا القمر يدور
ولجل خاطر عمك خطاب القمر ينساب
اللي يرفع علي كوز واللي يخط ويرزع عالحة بالقبقاب
ووزارة الصحة في البلد كان دكان حلاق الصحة
كان حاطط فيه دوا للمغص والإسهال والكحة
واللي ما يروحشي يحلق عنده يا ويله كان يوديه المصحّة
وزمان كان فيه مولد في البلد بيعملوه في الوسعاية
وتلقي فيه هرّجة وناس رغبة راحة وجاية
وفي يوم المنشد اسمه نجاح غلط وقال موال
غلط في البلد رجال ونسا وعيال

وقال اللي يسمع كلام مراته يبقي حمار وابوه شيال
كل اللي في المولد قام وقف والكل علي بيته غار
والكل رفع الجزم والبُلغ والشوم وقالوا دا كلام عار
الشيخ بسرعة صلح غلطته وقال دا كلام هزار
والكل قعد مكانه يتفرج وبعد المولد روّحوا عالدار

الفهرس

٤	الإهداء
٥	(١) يا رايح المدينة
٧	(٢) مستحيل
٨	(٣) اللي يداديك
٩	(٤) شيخ البلد
١١	(٥) يا مرايتي
١٢	(٦) الوقت
١٣	(٧) الدنيا فانيه
١٥	(٩) يا اللا نقول ونعيد
١٦	(١٠) إتقل عليّه
١٨	(١١) موال
١٩	(١٢) يا وابور يا اللي مسافر
٢٠	(١٣) أبو قلب خالي
٢١	(١٤) ملاح
٢٢	(١٥) آه يانا م اللي بحبه يانا
٢٣	(١٦) جيش مصر
٢٥	(١٧) مها
٢٦	(١٨) الراجل العجوز
٢٨	(١٩) الروتين
٣١	(٢٠) الحارس الله
٣٣	(٢١) آه يا جماله
٣٥	(٢٢) بلد شهادات
٣٦	(٢٣) الصبا والشيب
٣٨	(٢٤) الناس الطيبين
٤٠	(٢٥) مصر عاوزه تتكلم
٤٣	(٢٦) معلشي
٤٤	(٢٧) علي ضيك يا قمر
٤٥	(٢٨) جشع التجار



٤٧ المنحوس والفرارجي (٢٩)
٤٩ يا حلو مَسِّي (٣٠)
٥٠أوبريت يا شيخ البلد (٣١)
٥٢ يا قطر الحياة (٣٢)
٥٤ الجامعة العربية (٣٣)
٥٦ نــــــدي (٣٤)
٥٨ اصطباري (٣٥)
٦٨ عصام بركات (٣٦)
٧١ عمك فتوح الجمل (٣٧)
٧٤اصطباري بلدي (٣٨)
٧٦بلدنا زمان (٣٩)
٨٠ الفهرس